

ASOMA, SAC & CARNAVAL

E problema di Asoma y Sac lo por a keda resolví si e dosnan aki a sinta na mesa for di un principio y yega na un entendimento di un cu otro tocante Carnaval.

Ta recomendable sinta na mesa for di awor y bin na acuerdo con ta bai celebrá Carnaval otro aña ora Aruba celebrá su 40 añanan di Carnaval. Mi ta bisa ora cumpli 40 aña, pa motibo cu e aña aki ta 39 aña y no 40, sino 40 bes.

Na aña 1980, dia Carnaval a cumpli 24 aña, a pone tur e participantenan decorá carozá y trahenan cu e símbolo di plata (25 aña). E tempo ey (cu tabata 14 aña pasá) m'a discutí cu Sr. Milo Croes riba e asunto aki, mustrando cu Carnaval organizá a cuminzá na 1955 y cu na 1980 tabata 24 aña.

Pa ilustrá si un persona, por ehempel, a nace dia 20 di Januari 1955, dia 20 awor lo cumpli 39 aña NO 40 y t'aki e error ta sinta. Laga nos ta consciente locual nos ta papia y trata na no bisa kico cu ta.

Casonan asina mester tene cuenta cu nan como parti di historia di Aruba, como cu antes no tabata archivá nada; por referí na deporte, principalmente na futbol cu no tin historia completo. Otro asunto ta participacion cu nan a duna di "Fakkel Optocht" parada di flambeuw cu ta tuma lugá 8'or di anochi, esaki; tur aña medionan ta haci e mes error di scirbi cu ta den oranan di nochi, acaso por ten'é den dia?

Riba e error aki tambe a mostra m.o.m. 15 aña pasá, pero parce ta difícil cu cabeznan duro.

Laga pleitamento un banda y ban celebrá Carnaval 39 y cu poder di Señor, otro aña celebrá Aruba su di 40 añanan di Carnaval na grandi.

Titi Davelaar